

**«Интернет-банкинг» тизимидан фойдаланган ҳолда банк ҳисобварағини
юритиш бўйича
Қўшилиш ШАРТНОМАСИ**

«Ориент Финанс» ХАТБ, бундан кейин Банк деб аталади, ва Корхона, бундан кейин Мижоз деб аталади, «Интернет-банкинг» тизимида банк ҳисобварағини юритиш бўйича шартномасини (кейинги ўринларда - Шартнома) унга қўшилиш йўли билан қабул қилишни, шартномага қўшилиш учун Ариза (кейинги ўринларда - Ариза), тақдим этиб, қуйидагича келишиб олдилар:

1. ХИЗМАТ МАЗМУНИ

1.1. Банк Мижознинг имзо ва муҳр изи туширилган карточкасида кўрсатилган шахслар электрон рақамли имзо ёрдамида тўловларни амалга ошириш ва ҳисобварақдан кўчирма олиш учун банкка ҳужжатларни электрон шаклда тақдим этиш имкониятини берувчи «Интернет-банкинг» тизими (кейинги ўринларда - Тизим) ёрдамида Мижознинг ҳисобварағига хизмат кўрсатади.

1.2. Банк Мижозга тизимда қуйидаги турдаги хизматлар (кейинги ўринларда – Хизмат турлари)ни тақдим этади

1.2.1. Ахборот хизмати:

- Ҳисоб рақамларда айна пайтдаги қолдиқ маблағлар тўғрисида маълумот;
- Ҳисоб рақамлари бўйича кўчирма ва ҳисоботлар олиш;

1.2.2. Мижознинг тўлов топшириқномаларини ижро қилиш.

2. ТЕРМИНЛАР, ТУШУНЧА ВА ҚИСҚАРТМАЛАР

2.1. «Интернет-банкинг» тизими (Тизим) –

мижоз ва банк ҳудудида ўрнатилган ҳамда мижоз ва банк томонидан тегишли қисмларга мувофиқ келишилган ҳолда бошқариладиган дастурий-аппарат воситалари мажмуи, шунингдек мижоз ва банк томонидан мижозга хизмат кўрсатиш мақсадида амалга ошириладиган ташкилий чора-тадбирлар. Тизим меъёрий-ҳуқуқий базадаги ўзгаришлар муносабати билан ҳамда мижозлар еҳтиёжларига энг тўлиқ мос келишини таъминлаш учун банк томонидан янгиланиши ва ўзгартирилиши мумкин. Тизим автоматик равишда, Мижознинг иштирокисиз, лекин тегишли тарзда хабардор қилинган ҳолда янгиланади. Ҳар қандай вақтда мижоз тизимнинг сўнгги версиясида ишлайди.

2.2. **ЭТХ** – электрон тўлов ҳужжат.

2.3. **ЭТХ мақоми** – Тизимда ЭТХга ишлов бериш айна пайтда қайси босқичда эканлигини белгилаш.

2.4. **Мижоз фойдаланувчиси** – Мижоз номидан тизим ичида ишлаш ҳуқуқига эга бўлган ва тизимда рўйхатдан ўтган мижознинг ходими. Мижознинг фойдаланувчилари банкка йўлланадиган сўровнома, тўлов ҳужжатларини шакллантирадилар ва банкдан маълумот оладиган ва қайта ишлайдилан ҳамда мижоз номидан ЭТХни электрон усулда имзолайдилар.

2.5. **Электрон рақамли имзо (ЭРИ)** – Мижознинг фақат ваколатли ходими (фойдаланувчи)да сақланувчи, ўтказилган махфий калит асосида шакллантириладиган ноёб муайян ЭТХга мувофиқлаштириладиган ва ЭТХни аутентификацияси (муаллифликни тасдиқлаш) ва уни яхлитлигини тасдиқлаш учун ишлатиладиган байтлар мажмуи. ЭТХни шакллантиришда фойдаланиладиган реквизитлар рўйхати мазкур шартноманинг 3.2. бандида келтириб ўтилган.

2.6. **Мижознинг тўғри ЭРИси** – Мижознинг очиқ калитли ЭРИ билан текширилганда ижобий натижа берувчи Мижознинг ЭТХсидаги ЭРИси.

2.7. **Мижоз ЭРИсининг махфий калити** – ЭРИ ҳуқуқига эга бўлган Мижознинг

фойдаланувчилари Мижознинг ЭТХини шакллантириш учун ишлатишга мўлжалланган калит (байтлар кетма-кетлиги)

2.8. **Мижознинг очик калитли ЭРИси** – Мижоз фойдаланувчисининг махфий калити билан боғлиқ калит (байтлар кетма-кетлиги). Очик калитли ЭРИ Мижоз фойдаланувчисининг ЭРИнинг махфий калитига мос келадиг ва Мижоз томонидан электрон тарзда имзоланган ҳужжат ЭРИсини текшириш учун албатта Банк тасарруфида бўлади.

2.9. **Мижознинг фаол(актив) очик калитли ЭРИси** – Банкда томонидан Тизимда рўйхатдан ўтказилган, Мижоз фойдаланувчиси томонидан айна пайтда тизимда ишлаш учун фойдаланиладиган Мижоз фойдаланувчисининг очик калитли ЭРИси. Исталган вақтда Тизимда мазкур Мижоз фойдаланувчисининг бир ортиқ бўлмаган актив очик калитли ЭРИси бўлиши мумкин.

2.10. **Фойдаланувчининг тизимдаги номи/исми** – Муайян Мижоз фойдаланувчи номини ифодалайдиган, Тизимда мазкур фойдаланувчини мос келиши ва унинг Тизимдаги ҳуқуқларини аниқлашга имкон берувчи очик кетма-кетликдаги белгилар.

2.11. **Фойдаланувчининг пароли** – Фойдаланувчининг ҳуқуқларига мувофиқ Мижознинг ресурсларига кириш учун Тизимга киришда тақдим этилаган Фойдаланувчининг тизимдаги номи ва ПИН билан USBга фойдаланувчининг шахси мос келишини тасдиқлаш имконини берадиган Мижоз фойдаланувчиси билан боғлиқ ва фақат унга маълум бўлган махфий кетма-кетликдаги белгилан.

2.12. **Шифрлар** – Маълумотларни (электрон ҳужжатларни) Мижоз ва Банк ўртасида алоқа линиялари орқали узатишда рухсатсиз ўқишдан ҳимоя қилишни таъминлаш.

2.13. **Тизимда ишлаш қоидалари** – Тизимнинг жорий версияси билан тўғри ишлашни тасвирлайдиган қоғоз ёки электрон шаклдаги кўрсатмалар, процедуралар, тизим фойдаланувчиларининг функционал мажбуриятларини тавсифловчи жамланма. Қоидалар тизим версияларидаги ўзгаришлар туфайли ўзгариши мумкин.

2.14. **Мижознинг ресурси** – Мижоз ҳақида, мижознинг ҳисобварақлари, баланслари, айланмалари, тўлов ҳужжатлари, электрон почта, фойдаланувчилари, мижознинг ҳуқуқ ва профили тўғрисидаги банкда сақланаётган маълумотлар.

3. УМУМИЙ ҚОИДАЛАР

3.1. Тизимнинг Мижоз фойдаланувчидаги қисми стандарт дастурий таъминотдан иборат бўлиб, қуйидаги талабларга жавоб бериши керак:

1) Қуйидаги конфигурациядаги шахсий компьютер: Intel Pentium 4, HDD 40 Gb, RAM – 1024 Mb, Flash (USB) порт - процессор (дан кам бўлмаган)

2) Ўн олти битли рангда минимал 800x600 нуқтали ўлчамни қувватловчи SVGA адаптерли рангли дисплей

3) Банк билан алоқа учун телефон тармоғи ёки мобиль алоқаси

4) Компьютерда ишлайдиган операцион тизим: *Windows 7* ёки ундан юқори

5) Ўрнатилган вирусга қарши (антивирус) воситаси (оҳирги янгиланишлар билан)

6) Microsoft Internet Explorer 9.0 ва ундан ёқори Интернет-браузер

7) Компьютерга уланган принтер

8) Интернетга фаол уланиш

3.2. Электрон тўлов ҳужжати учун зарур реквизитлар рўйхати:

а) Тўлов ҳужжат тури: *Тўлов топшириқномаси*

б) ЭРХни шакллантиришда иштирок этувчи реквизитлар:

в) *Ҳужжат рақами* – 10 та белгигача (бошланғич ва якунловчи бўшлиқларсиз)

- г) *Тўлов санаси* – 8 та белги, Йил/ой/кун (YYYYMMDD) форматда
- д) *Мижоз ҳисоб рақами* – 20 та белги
- е) *Мижоз ҳисоб рақам МФОси* – 5 та белги
- ж) *Вакиллик ҳисоб рақами* – 20 та белги
- з) *Вакиллик ҳисоб рақами МФОси* – 5 та белги
- и) *Вакил (корреспондент) номи* – 60 та гача белги (бошланғич ва якунловчи бўшлиқларсиз)
- к) *Тўлов суммаси* – 19.2 форматда 19 та белги (знак) ((бошланғич ва якунловчи бўшлиқларсиз, 1 сўмдан кам бўлган сумманинг бутун қисмига 0 киритиш лозим)
- л) *Тўлов мақсади* – 140 та белгигача (бошланғич ва якунловчи бўшлиқларсиз)

3.3. **Томонлар тан оладилар:**

- Ўзбекистон Республикасининг Давлат стандартларига (O'z DSt стандарти) мувофиқ ишловчи электрон рақамли имзо ва электрон ҳужжатларни узатиш учун Тизимда фойдаланиладиган усули;
- Электрон рақамли имзо билан тасдиқланган электрон ҳужжат ўзбошимчалик билан ўзгартирилса, ЭРИ нотўғри бўлади, яъни ЭРИ текшируви салбий натижа беради;
- Мижознинг ЭРИсини қалбакилаштириш, мижоз номидан электрон ҳужжатнинг тўғри электрон рақамли имзосини Мижознинг ёпиқ калитли ЭРИсини билмай туриб яратишнинг иложи йўқ;
- Мижознинг электрон рақамли имзоси билан тасдиқланган электрон ҳужжатлар мижознинг раҳбари томонидан имзоланган ва мижознинг муҳр изи акс этган қоғоз шаклдаги тегишли ҳужжатларига тенг ҳисобланади. Мижознинг ЭРИси билан имзоланмаган Электрон ҳужжатлар банк томонидан кўриб чиқилмайди ва ижро этилмайди. Бунда электрон ҳужжатлар устунликка эга бўлиб, қоғоз шакли билан фарқланса, қоғоз шакли Мижоз томонидан тузатилиши лозим;
- Низоли ҳолатлар юзага келганда уларни Техник экспертизадан ўтказиш тартибига мувофиқ ҳал этиш учун Мижоз томонидан электрон рақамли имзодан фойдаланган ҳолда Банк тизимида шакллантирилган электрон ҳужжатлар далилий ашё сифатида фойдаланилади. Низомли ҳолатлар юзага келганда электрон рақамли имзога эга бўлмаган электрон ҳужжатлар далилий ашё сифатида фойдаланилмайди;
- Мижознинг раҳбари имзоси ва муҳри билан тасдиқланган Очик калитли ЭРИ гувоҳномасида кўрсатилган Мижознинг очик калитли ЭРИси мижозга тегишлидир.
- Тизимда ишлашнинг ягона вақт ўлчов шкаласи сифатида Тошкент вақт минтақаси қўлланилади. Назорат вақти бўлиб Ўзбекистон Республикаси Марказий банкининг аппарат воситалари тизим соати ҳисобланади.

4. **ТЎЛОВ ШАРТЛАРИ**

4.1. «Интернет-банкинг» тизимида ҳисобвараққа хизмат кўрсатганлик учун Мижоз Банк Тарифларига мувофиқ ҳақ тўлайди.

4.2. Тўлов мижоз томонидан ҳисобот ойдан кейинги ҳар ойнинг 10-кунидан кечиктирмай амалга оширилади.

5. **ТОМОНЛАРНИНГ ҲУҚУҚ ВА МАЖБУРИЯТЛАРИ**

5.1. **Банк қуйидаги мажбуриятларга эга:**

- 5.1.1. Мижознинг очиладиган калитли ЭРИсини яратиш;
- 5.1.2. Калитлар (Очик калитли ЭРИ ва маҳфий калитли ЭРИ)ни Мижозга, яъни бевосита ваколатли шахс (биринчи имзо ҳуқуқига эга раҳбар)га ePass ёки

iKey (USB калит) ташувчилар (носитель)ида топшириш-қабул қилиш далолатноси (Шартноманинг 1-сонли иловаси)ни имзолаган ҳолда тақдим этиш;

5.2. Банк қуйидаги ҳуқуқларга эга:

5.2.1. Агар мижоз махфий ва тегишли очик калитли ЭРИ амал қилишини бекор қилиниши ҳақида ёзма хабарнома тақдим этса, Мижознинг тизимдаги фаол очик калитли ЭРИсини ўчириш;

5.2.2. Агар мижознинг ЭРИ калитлари бузилган/қалбакилаштирилган деб гумон қилинса ёки имзо қўйиш ҳуқуқига эга бўлган шахслар рўйхати ўзгартирилса, Мижозни огоҳлантирмасдан, Мижознинг фаол очик калитли ЭРИсини блоклаш ва Мижоздан ЭРИ калитлар жуфтлигини ўзгартиришни талаб қилиш;

5.2.3. Жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштиришга қарши курашиш бўйича қонун ҳужжатлари талабларига риоя қилиш ҳамда хавфни камайтириш мақсадида:

- мижоз амалга оширган операцияларнинг қонунийлигини ёзма равишда баён этгунига қадар тизим орқали мижозга хизмат кўрсатишни тўхтатишга ва агар Мижоз тизим ёрдамида шубҳали операциялар амалга оширилганлиги аниқланса, Тизим орқали хизмат кўрсатишни рад этишга ҳақли;

- мижозни жойлашган жойи бўйича (почта манзили) текширишга, шу жумладан тизим ёрдамида шубҳали операциялар ўтказилганлиги ҳақида гумон мавжуд бўлса, операцияларни амалга ошириш жараёнини ўрганишга ҳақли;

- Тизим орқали шубҳали операциялар амалга оширилган тақдирда, тизим орқали мижозга хизмат кўрсатишни 3 банк иш кунигача бўлган муддатга тўхтатиб қўйиш;

- Жиноий фаолиятдан олинган даромадларни легаллаштиришга, терроризмни молиялаштиришга ва оммавий қирғин қуролини тарқатишни молиялаштириш мақсадида бундай хизматлардан фойдаланиш бўйича асосли гумонлар мавжуд бўлса, тизим бўйича хизмат кўрсатишни тўхтатиш.

5.2.4. Тўловни ўтказиш вақти яқунлангунга қадар тўлов кунида Мижознинг ҳисобварағида тўловни амалга ошириш учун маблағ етарли ёки мавжуд бўлмаса, Мижоз томонидан тизим орқали банкка юборилган электрон тўлов топшириқномаларини қабул қилмайди ва рад этади.

5.3. Мижоз қуйидаги мажбуриятларга эга:

5.3.1. Калитлар (очик калитли ЭРИ ва махфий калитли ЭРИ)ни шахсан (шахсан ташкилот раҳбари) банкдаги олиш;

5.3.2. Тизимнинг ишлаши учун нормал шарт-шароит яратиш, хусусан, шартноманинг 3.1. бандида кўрсатилган минимал дастурий-техник талабларни сақлаш;

5.3.3. Тизимда фойдаланиладиган пароль ва махфий калитли USB калитни сир сақлаш ва учинчи шахсларга бермаслик;

5.3.4. Тизимга рухсатсиз киришга уриниш ёки ЭРИ калитларни йўқотилганлик/шикат етказганлик ҳолатлари ҳақида дарҳол бир иш кун ичида Банкни ёзма равишда хабар бериш;

5.3.5. Банкнинг амалдаги тарифларига мувофиқ ўз вақтида банк хизматлари учун ҳақ тўлаш.

5.4. Мижоз қуйидаги ҳуқуқларга эга:

5.4.1. Фаол очик калитли ЭРИни муддатидан олдин бекор қилиш ва Банкни ёзма равишда Мижознинг махфий ва унга мувофиқ очик калитли ЭРИсини бекор қилиш тўғрисида хабардор қилган ҳолда фаол очик калитли ЭРИни блоклаш;

5.4.2. Мижоз раҳбарининг имзоси билан тасдиқланган аризасига мувофиқ Мижоз ЭРИ калитлар жуфтлигини янгидан тайёрлашга сўров жўнатиш ёки

калитларни қайта генерация қилишга электрон сўров йўллаш;

5.4.3. Тизимида ўз ишини вақтинча ўчириб қўйиш(блоклаш)ни ёзма сўров асосида амалга ошириш.

5.5. Банк мижознинг тизим орқали йўллаган ҳужжатларини соат 9.00 дан 17.30 гача қабул қилади.

5.6. Мижоз томонидан жорий иш куни бўйича юборилган ҳужжатлар 15:00 гача банкка тақдим этилиши ва тўлов ҳужжатининг “ҳужжат санаси” майдонида жорий иш куни санаси кўрсатилиши керак. Агар ҳужжатлар Банк томонидан 15:00 дан кейин қабул қилинган бўлса, Банк қабул қилинган ҳужжатлар бўйича операцияларни бажаришни рад этиш ҳуқуқига ега.

6. ТОМОНЛАРНИНГ ЖАВОБГАРЛИГИ

6.1. Банк Мижознинг махфий калитли ЭРИсидан учинчи шахслар ёки кириш ҳуқуқига эга бўлмаган шахслар томонидан фойдаланилиши (мижозлар ЭРИ калитини йўқотиши, паролларни узатиш ва бошқалар), шунингдек Мижознинг 5.3.4-банд бўйича ўз мажбуриятларини бажармаганлиги натижасида Мижозга етказилган зарар учун жавобгар бўлмайди.

6.2. Агар Мижоз махфий калитни ўз ичига олган «IKEY»/«ePass» электрон ташувчи(носитель)ни йўқотса ва/ёки зарар етказса, Мижоз томонидан Мижоз ва Банк ўртасида имзоланган қабул қилиш-топшириш далолатномасида назарда тутилган миқдорда ҳақ тўланади.

6.3. Тизимдан фойдаланганиш давомида Мижоз ва Банк ўртасидаги низолар келиб чиққан тақдирда, Томонлар низоли ҳолатлар юзага келганда техник экспертизани ўтказиш тартиби (Шартноманинг 8 бўлими)га мувофиқ низоларни кўриб чиқишда иштирок этиш мажбуриятини оладилар, ушбу бўлимда кўрсатилган қоида талабларига риоя қилдилар ва амалдаги қонун ҳужжатларига мувофиқ жавобгарликни ўз зиммаларига оладилар.

7. МИЖОЗНИНГ ҲИСОБВАРАҒИНИ ЮРИТИШ ТАРТИБИ

7.1. Мижознинг шахсий ҳисобварағидан кўчирма кейинги куни шакллантирилади. Мижоз банкка тизим орқали тақдим этган тўлов ҳужжатларини бажаришни давом эттиришга кўрсатма беради.

7.2. Тўлов топшириқномасини олишда Банк мижознинг ЭРИси тўғрилигини текширади, ҳужжат реквизитлари тўғри тўлдирилганлигини текширади ва мижознинг жорий ҳисобварағида дебет қолдиғи бор-йўқлигини текширади. Агар тўлов ҳужжатларини тайёрлаш бўйича меъёрий ҳужжатлар талабларига номувофиқликлар, ноаниқликлар ёки зиддиятлар топилса, Банк уларни қабул қилмаслик ҳуқуқига эга.

8. НИЗОЛИ ҲОЛАТЛАР ЮЗАГА КЕЛГАНДА ТЕХНИК ЭКСПЕРТИЗАДАН ЎТКАЗИШ ТАРТИБИ

8.1. Низоли ҳолат – бу «Интернет-банкинг» тизимининг тегишли техник воситалари ёрдамида тўғрилиги Мижознинг ваколатли вакили (фойдаланувчиси) томонидан муаллифлаштирилмаган ЭТХни Банк томонидан Мижознинг номидан экспертизадан ўтказиш, шунингдек Банк томонидан ЭТХни сабаб кўрсатмаган ҳолда ўтказмаслиги билан боғлиқ Мижознинг Банкка бўлган норозилиги. Норозилик талаблари аниқ ўрнатилиши ёки ЭТХни Мижознинг ЭРИсини текшириш натижасига кўра рад этилиши мумкин.

8.2. Бундай ҳолатда Мижоз «Интернет-банкинг» тизимидаги Банк учун ҳисобварақ бўйича операцияни амалга ошириш учун асос бўлган ёки мавжуд бўлмаганда ҳисобварақдан ҳақиқатда пул ечилиши содир бўлган ЭТХни

кўрсатган ҳолда асосий норозилик талаблари акс этган ариза билан Банкка муурожаат қилади. Банк мижознинг ҳисобварағидан пул маблағлари ечилган пайдан икки иш куни ичида мижознинг норозилик аризасини қабул қилади. Мижознинг норозилик аризаси кўриб чиқилиш даврида Мижознинг «Интернет-банкнинг» тизимидаги иши Банк томонидан блокланади.

8.3. Банк Мижознинг аризаси тақдим этилган кундан еътиборан беш кундан ортиқ бўлмаган муддатда аризани кўриб чиқиш учун низони кўриб чиқиш комиссиясини тузиши шарт. Комиссия таркибига Мижоз вакиллари (мижоз танловига кўра), Банк вакиллари (банк танловига кўра) ва зарур ҳолларда мустақил экспертлар киритилади. Комиссия аъзоларини танлаш барча иштирокчилар билан келишилган ҳолда амалга оширилади.

8.4. Ҳужжат бўйича низоларни ҳал қилиш учун Мижоз банкка тегишли техник мутахассис, шунингдек ҳужжатларнинг юридик аҳамиятини тасдиқловчи мижознинг ваколатли фойдаланувчиси (авторизатор) билан бирга келиши керак. Мижознинг фойдаланувчиси ўзи билан ЭРИ воситасини олиб келиши керак.

8.5. Низони кўриб чиқиш комиссияси томонидан низони кўриб чиқишнинг натижаси, кўриб чиқилаётган ҳужжатда Мижознинг электрон рақамли имзосининг ҳақиқийлиги бўйича хулосасига кўра жавобгар томонни аниқлашдан иборат.

8.6. Низони кўриб чиқиш комиссияси аризани кўпи билан беш кун муддат ичида кўриб чиқади. Аризани кўриб чиқиш қуйидаги босқичлардан иборат:

8.6.1. Низони кўриб чиқиш комиссияси Мижознинг норозилик аризасини техник экспертизадан ўтказди.

8.6.2. Рухсат этилмаган тарзда пул маблағини ечиш ҳолларда:

- Тизимда низоли ҳужжатга мос келадиган транзакция (ўтказма) мавжудлигини текширади. Агар кўрсатилган транзакция (пул маблағини ечиш ҳолати мавжуд бўлмаса) мавжуд бўлмаса, Мижознинг норозилик аризаси автоматик тарзда ечилади.

- Агар кўрсатилган транзакция Банк тизимида аниқланса, тегишли ҳужжат (электрон ёки асл тўлов ҳужжати) мавжудлиги текширилади. Бундай ҳужжат мавжуд бўлмаса (ҳисобдан чиқариш учун асос) Банк мижозни ҳисобварағидан рухсатсиз ечилган суммани белгиланган тартибда қоплайди.

- Агар асл тўлов ҳужжати топилса, мижознинг норозилик аризаси автоматик равишда ечилади.

- Агар тўлов ҳужжатининг асли мавжуд бўлмаса, «Интернет-банкнинг» тизимида электрон ҳужжат мавжуд бўлса, ушбу электрон ҳужжатнинг ЭРИси тўғрилиги таҳлил қилинади.

8.7. Низони кўриб чиқиш комиссияси Мижознинг ЭТХдаги ЭРИсини техник экспертизадан ўтказди, яъни:

- Банк мазкур ЭТХга мувофиқ келувчи ЭРИни тақдим этиши мумкин;

- Агар ЭРИ мавжуд бўлса, ҳужжатни имзолаган Мижознинг фойдаланувчиси аниқланади;

- Агар бундай фойдаланувчи аниқланса, мазкур фойдаланувчининг тегишли гувоҳномаси (сертификат) ва «Интернет-банкнинг» тизими ахборотлар базасидан фаол очиқ калитли ЭРИси қидирилади;

- Белгиланган фаол очиқ калит аниқланганда, ЭТХ(низоли)га тегишли ЭРИ текширилади.

Агар ЭРИ тасдиқланса Мижознинг норозилик аризаси автоматик тарзда ечилади;

8.8. Техник экспертиза асосида низони кўриб чиқиш комиссияси далолатнома тузади.

8.9. Агар низони кўриб чиқиш комиссияси томонидан Мижознинг ЭРИси тўғри эканлиги ва фаол очиқ калитли ЭРИ Мижозга тегишли эканлиги тасдиқланса, Банк Мижоз олдида унинг низоли ЭТХси бўйича жавобгар бўлмайди

9. БОШҚА ШАРТЛАРИ

Ушбу шартномада назарда тутилмаган томонлар ўртасидаги муносабатлар Ўзбекистон Республикасининг амалдаги қонунчилиги билан тартибга солинади. Ушбу шартномага барча қўшимчалар унинг ажралмас қисми ҳисобланади.

Топшириш – қабул қилиш ДАЛОЛАТНОМАСИ

«Ориент Финанс» ХАТБ, кейинги ўринларда «Банк» деб юритилади,
_____ даги _____-сонли Ишоннома асосида иш юритувчи
_____ тимсолида, бир томондан ва
_____, кейинги ўринларда «Мижоз» деб
юритилади, _____ (Устав ёки бошқа ҳужжат) асосида иш
юритувчи _____ иккинчи томондан, қуйидаги Топшириш –
қабул қилиш далолатномасини қуйидагилар ҳақида туздилар:

1. Банк Ахборот технологиялари сектори ходими
_____ тимсолида, вақтинчалик фойдаланиш учун «ePass» /
«IKEY» (керакли танланади) (S/N _____) Электрон
калитларини топширади, Мижоз эса ушбу калитларни мазкур шартномадга
мувофиқ ундан фойдаланиш ва ишлатишнинг барча шартларига амал қилган
ҳолда қабул қилади. Мижоз Маҳфий калитли электрон калитни йўқотганда ва/ёки
шикаст етказганда, Банк _____ сўм миқдорида ҳақ ундиради.

2. Банк ходими Мижознинг техник воситаларига «Интернет-банкинг»
tizimini ўрнатди ва дастурий таъминот соzламаларини амалга оширди.

3. Банк электрон ЭРИ калитини ишга туширишни амалга оширди.

4. Мижоз «Интернет-банкинг» тизими орқали ахборот олиш ва узатиш
бўйича синов сессияларини ўтказди.

5. Мижоз ЭРИ ёрдамида электрон тўлов ҳужжатларини синов тарзда
муваффақиятли ўтказди.

6. Мижоз «Интернет-банкинг» тизимида ишлаш шартлари, қоидалари ва
усуллари бўйича ўқувдан ўтказилди (тақдим этилган ҳужжатларни ўқиб чиқиб ёки
банк вакили томонидан ўқитилган).

7. Мижоз «Интернет-банкинг» тизимига уланган вақтдан бошлаб мазкур
шартномага мувофиқ «Интернет-банкинг» тизими орқали узатиладиган барча
электрон тўлов ҳужжатлари юридик кучга эга бўлади.

Мазкур далолатнома икки нусхада ҳар бир томон учун бир нусхадан
тузилди.

«Банк»

«Мижоз»

Бошлиқ/Бошқарувчи

Раҳбар

Ахборот технологиялари сектори